



Broj:09-20-11-2-1001-II
Datum: 29.05.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po ovlaštenju Vlade FBiH donosi:

ODLUKU

o izboru najpovoljnijeg ponuđača u postupku Javne nabavke zamjena dijelova na aparatu za ultra čistu vodu MERC Milipure Mili Q Direct 8 System za LOT-2

1. Dodjeljuje se Ugovor ponuđaču ALPHA CHROM d.o.o. Sarajevo za javnu nabavku zamjena dijelova na aparatu za ultra čistu vodu MERC Milipure Mili Q Direct 8 System za LOT-2, prema Ponudi broj:90047/2023 od 23.05.2023.godine i ukupnoj cijeni u iznosu od 3.980,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-1001 od 27.04.2023. godine
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj:39/14 i 59/22).
5. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije je provela otvoreni postupak Javna nabavka servisiranja i održavanja laboratorijskih instrumenata, po Obavještenju o javnoj nabavci broj: 1412-1-2-103-3-51/23 od 28.04.2023. godine, objavljeno u "Službenom glasniku BiH" broj: 31/23, dana 05.05.2023.godine.

Dana 23.05.2023 godine, Komisija za provođenje otvorenih postupaka nabavke za 2023. godinu je izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je u postupku pregleda i ocjene ponuda utvrdila da je u predviđenom roku za dostavljanje ponuda za LOT- 2, pristigla jedna ponuda ponuđača ALPHA CHROM d.o.o. Sarajevo sa ponuđenom cijenom u iznosu od 3.980,00 KM bez PDV-a, koja je formalno-pravno ispravna i ispunjava uslove tražene tenderskom dokumentacijom, te je vodeći se uslovima propisanim tenderskom dokumentacijom i prema kriteriju najniža ukupna cijena tehnički zadovoljavajuće ponude konstatovala da je ponuda ponuđača ALPHA CHROM d.o.o. Sarajevo, za ugovorni organ prihvatljiva, te je shodno članu 70., Zakona o javnim nabavkama Bosne i Hercegovine, predložila donošenje Odluke o izboru najpovoljnijeg ponuđača za navedeno pravno lice, što je konstatovano u Zapisniku o pregledu i ocjeni ponuda od 29.05.2023.godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


DIREKTOR
(po ovlaštenju Vlade FBiH)
GLAVNI INSPEKTOR
Vahidin Munjić

Dostaviti:

- Sektor za mat. fin. poslove
- ponuđačima
- u spis